



AKHBAR	:	KOSMO		
TARIKH	:	24/4/2019	MUKA SURAT	: 17
JABATAN	:	SPAN		
KLASIFIKASI	:	PERHATIAN		

Air Selangor aktifkan 10 PKS

Siap sedia hadapi gangguan bekalan air berjadual mulai hari ini

MUHAMMAD AMINURALIF
MOHD ZOKI

SHAH ALAM



Lori tangki Air Selangor siap sedia menghantar bekalan air kecemasan kepada pelanggan.

Air Selangor menyelaraskan sepuluh Pusat Khidmat Setempat (PKS) di beberapa lokasi untuk memberikan bantuan kepada pelanggan yang terkesan akibat gangguan bekalan air berjadual bermula hari ini.

PKS terbabit akan diaktifkan bermula jam 8 pagi 26 April ini.

Ketua Jabatan Perhubungan Pelanggan dan Komunikasi, Pengurusan Air Selangor Sdn Bhd, Abdul Raof Ahmad berkata, pusat khidmat itu ditempatkan di beberapa kawasan yang terlibat gangguan bekalan air berjadual.

“PKS ini ditempatkan di kawasan Klang, Shah Alam, Petaling, Gombak, Kuala Lumpur dan Kuala Selangor,” katanya dalam satu kenyataan semalam.

Abdul Raof berkata, Air Selangor juga akan mengerahkan sebanyak 82 lori tangki air dan 17 lori tangki jumbo sepanjang tempoh gangguan bekalan air berlaku.

“Kesemua lori ini akan diberi keutamaan bagi kecemasan dan premis-premis kritikal seperti hospital, pusat dialisis

dan sebagainya,” katanya.

Menurutnya, sebanyak 106 buah tangki statik akan ditempatkan di premis kritikal serta lokasi-lokasi strategik.

“Air Selangor juga akan menyediakan sembilan lokasi pili air awam bagi kegunaan pelanggan yang terjejas.

“Dalam masa sama, kita



ABDUL RAOF AHMAD

menyediakan stesen pengisian air khusus bagi pembelian air untuk pelanggan industri. Pelanggan industri boleh membuat pembelian air dan berurusan di kaunter-kaunter Pejabat Wilayah Air Selangor serta perlu menggunakan lori tangki air yang diuruskan sendiri,” katanya.

Pengguna siap sedia hadapi gangguan air

KUALA LUMPUR - Notis gangguan air di beberapa kawasan sekitar Kuala Lumpur dan Selangor telah melariskan penjualan tong air di beberapa kedai.

Tinjauan *Sinar Harian* di dua kedai terletak di Bandar Baru Sentul di sini mendapati tong air bersaiz besar habis terjual.

Seorang pekerja berkata, kedainya kehabisan stok tong air sejak kelmarin susulan ramai pelanggan membelinya untuk persediaan menghadapi gangguan bekalan air bermula hari ini.

“Tong besar sudah habis yang tinggal hanya saiz kecil saja. Tempahan baharu dah dibuat tapi sampai minggu depan,” katanya.



Tong besar menyimpan air habis dibeli pengguna.

Orang ramai yang ditemui memberitahu telah membuat persediaan awal menghadapi gangguan bekalan air itu.

Azli Abdul Mokti, 48, berharap kerja penyelenggaraan di Loji Rawatan Air Sungai

Selangor Fasa 2 (LRA SSP2) tidak mengambil masa panjang dan selesai pada waktu yang ditetapkan.

“Kalau gangguan hanya satu hari tangki air mungkin dapat menampung pengguna-

an isi rumah memandangkan kegunaan air juga terhad disebabkan anak-anak bersekolah.

“Saya akan beli air mineral untuk tampung keperluan dan jika masih tidak mencukupi terpaksa juga menginap di hotel berhampiran,” katanya.

Sementara itu, Sharifah Nur Farahin Syed Mohd Aziz, 21, yang tinggal bersama ibu dan bapanya berkata, dia telah membuat persediaan awal membeli tong dan menadah air.

“Kami dah buat persediaan awal masa dapat tahu kawasan Sentul terlibat dengan gangguan air disebabkan tempohnya agak lama dari kebiasaan.

“Air mungkin cukup namun berharap tempoh gangguan dipendekkan,” katanya.



LOKASI PKS

KLANG/SHAH ALAM

- Dewan MBSA, Jalan Sg Gapis 27/71, Seksyen 27, Shah Alam,
- Taman Rekreasi, Jalan Delima 8, Bandar Parklands,
- Jalan B34/B, Off Jalan Bukit Naga (berdekatan Mydin Bukit Naga)

PETALING

- Jalan Kubu Gajah, Taman Sri Buloh U19/1A, Sungai Buloh,
- Jalan Merah Silu, Bandar Baru Sri Petaling,
- Jalan Harapan, Seksyen 17 Petaling Jaya,

GOMBAK

- Jalan Kenanga SD 9/5 Bandar Sri Damansara.

KUALA LUMPUR

- Lot parkir Masjid Wilayah Persekutuan, Jalan Sultan Haji Ahmad Shah
- Lot parkir Surau An-Nur, Jalan 1/48A, Bandar Baru Sentul

KUALA SELANGOR

- Dataran KFC Puncak Alam, Jalan Puncak Alam Jaya 13, Pusat Perdagangan Bandar Puncak Alam

LOKASI PILI AIR AWAM

KLANG

- Masjid Ar Rahimah Sri Andalas (berhadapan Hospital Besar Tengku Ampuan Rahimah Klang)
- Jalan Persiaran Selangor, Seksyen 16 (bawah Kolam Seksyen 16)

PETALING

- Berhampiran Sekolah Kebangsaan Desa Tasik, Jalan 11/146, Bandar Tasik Selatan, Sungai Besi
- PJS 3, Taman Medan
- Pejabat Perhutanan Sungai Buloh, KM 21, Jalan Subang
- Pejabat Ahli Majlis Zon 23, Taman Awam SS9, Jalan SS9/10

KUALA LUMPUR

- Gelanggang Futsal, Sungai Besi

KUALA SELANGOR

- Pusat Perniagaan Alam Jaya, Jln PPAJ 2/8
- Pusat Perniagaan Alam Jaya, Jln PPAJ 3/8